



Broj: 0101-1660-8/17

Sarajevo, 29. 03. 2017. godine

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog konkurentskog zahtjeva za dostavljanje ponuda za javnu nabavku usluge-„Kreiranje, štampanje i nabavka obrazaca za uvjerenja i svjedodžbe sa barcode i hologramskom sigurnosnom zaštitom“, na preporuku Komisije za javnu nabavku broj: 0101-1660-5/17 od 29. 03. 2017. godine, rektor Univerziteta u Sarajevu je d o n i o

ODLUKA

o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-1660-5/17 od 27. 03. 2017. godine i ugovor o javnoj nabavci usluge-„Kreiranje, štampanje i nabavka obrazaca za uvjerenja i svjedodžbe sa barcode i hologramskom sigurnosnom zaštitom“, dodjeljuje ponuđaču Grafotex d. o. o. Braće Potkonjaka bb, 78000 Banja Luka, čija ukupna cijena ponude iznosi: 4.717,50 KM bez PDV-a (sa uračunatim popustom) (slovima: četirihiljadesedamstotinasedamnaest KM i 50/100), što sa uračunatim PDV-om iznosi 5.519,48 KM sa PDV-om (slovima: petihiljadapetstotinadevetnaest KM i 48/100), iz razloga što je u postupku konkurentskog zahtjeva za dostavljanje ponuda, ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Član 2.

Izabrani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13.1. i 13.3. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-1660-1/17 od 14. 03. 2017. godine, Univerzitet u Sarajevu je pokrenuo postupak konkurentskog zahtjeva za dostavljanje ponuda za javnu nabavku usluge-„Kreiranje, štampanje i nabavka obrazaca za uvjerenja i svjedodžbe sa barcode i hologramskom sigurnosnom zaštitom”.

Za provođenje postupka predmetne javne nabavke Odlukom broj: 0101-1660-2/17 od 14. 03. 2017. godine, imenovana je Komisija za javnu nabavku u sastavu: Čemal Suljević, predsjedavajući i članovi Mersida Karačić i Sanel Sefer.

Obavještenje o nabavci broj: 999-7-2-72-3-8/17 objavljeno je na Portalu javnih nabavki dana 16. 03. 2017. godine. Istog dana, na Portalu javnih nabavki objavljena je i Tenderska dokumentacija broj: 0101-1660-3/17.

Iz Izvještaja Komisije o pregledu i ocjeni ponuda se vidi da je Ugovorni organ dana 16. 03. 2017. godine uputio zahtjev za dostavljanje ponude sljedećim ponuđačima:

1. Kemigrafika-Trade d. o. o. Radnička 19c, 71 000 Sarajevo
2. Grafotex d. o. o. Braće Potkonjaka bb, 78000 Banja Luka
3. Garmond d. o. o. Džemala Bijedića 156, 71 000 Sarajevo.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki dana 27. 03. 2017. godine, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: "IC ŠTAMPARIJA" d.o.o MOSTAR, BBS Europe d.o.o., ekapija d.o.o., KEMIGRAFIKA-TRADE d.o.o. SARAJEVO, Infostrim d.o.o., GRAFOTEX d.o.o. BANJA LUKA, Štamparija Fojnica d.d. Fojnica, "Comesgrafika" d.o.o. Banja Luka, GRAFIKA ŠARAN d.o.o. i Agencija za komercijalnu djelatnost d.o.o.

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 27. 03. 2017. godine, vidljivo je da u periodu koji je ostavljen za dostavljanje ponuda, od strane potencijalnog ponuđača GRAFOTEX d.o.o. BANJA LUKA, dana 23. 03. 2017. godine, putem Portala javnih nabavki postavljeno je slijedeće Pitanje 1:
-Da li je došlo do promjene izgleda obrazaca OŠ 16, OŠ 17, OŠ 18, SŠ 17 i 17a, EM3, u odnosu na prošlogodišnje ?

Iz zapisnika Komisije za javne nabavke je vidljivo da je dana 24. 03. 2017. godine, Ugovorni organ putem Portala javnih nabavki, dostavio slijedeći Odgovor na Pitanje 1:
„Tačkom 26. Tenderske dokumentacije Ugovorni organ je uredio način na koji ponuđač treba da dostavi uzorke uz ponudu. Ugovorni organ je utvrdio da je ponuđač dužan dostaviti po 1 (jedan) uzorak za svaku stavku iz Obrasca za cijenu ponude PRILOG II. U dijelu Tačke 26. Tenderske dokumentacije i Napomenama u Obrascu za cijenu ponude-PRILOG II, navedeno je da zainteresovani ponuđači mogu preuzeti uzorke za svaku stavku iz Obrasca za cijenu ponude-PRILOG II, u prostorijama Univerzitetskog tele-informatičkog centra na adresi Zmaja od Bosne 8 (objekat br. 33), Kampus Univerziteta u Sarajevu. Ugovorni organ je dalje utvrdio da je ponuđač dužan, UZ PONUDU ILI NA JAVNOM OTVARANJU PONUDA, da dostavi svoje uzorke izrađene na osnovu uzoraka Ugovornog organam. Dalje je navedeno da ponuđač treba dostaviti uzorke koji odgovaraju kvalitetu papira, traženom Tenderskom dokumentacijom, da imaju hologramsku zaštitu. Na odštampanom uzorku moraju se odštampati sljedeći elementi, koji će se nalaziti na konačnom izgledu obrazaca, a to su: grb Bosne i Hercegovine, raster, okvir

dokumenta. Uzorci mogu biti proizvoljnog izgleda, ali moraju sadržavati nabrojane elemente, odnosno traženi kvalitet papira, hologramsku zaštitu i štampane elemente. Uzorci ne moraju biti identični konačnom izgledu obrasca. Ugovorni organ će izabranom ponuđaču dostaviti elektronsku pripremu za štampanje obrasca konačnog izgleda. Dalje je navedeno da ukoliko ponuđač dostavi uzorke, koji ne budu odgovarali uzorku Ugovornog organa, ponuda ponuđača će biti odbijena kao neprihvatljiva, odnosno ponuđač će biti isključen iz kvalifikacije za dalji tok vrednovanja zbog neispunjavanja uslova za kvalifikaciju. Na kraju, Ugovorni organ je dao pojašnjenje da nije došlo do promjene izgleda predmetnih obrazaca u odnosu na prošlu godinu, pa ponuđači koji su učestvovali u postupku javne nabavke uvjerenja i svjedodžbi za 2016. godine i koji su preuzeli uzorke obrazaca 2016. godine, ne moraju preuzeti uzorke od Ugovornog organa u predmetnom postupku nabavke za 2017. godinu.“

Iz zapisnika Komisije za javnu nabavku je vidljivo da je predstavnik zainteresovanog ponuđača: Kemigrafika-Trade d. o. o. Radnička 19c, Sarajevo, uz prethodnu pismenu najavu, dana 21. 03. 2017. godine, u prostorijama Univerzitetskog tele-informatičkog centra, Zmaja od Bosne 8 (objekat br. 33) u Kampusu Univerziteta u Sarajevu, preuzeo uzorke obrazaca koji su predmet nabavke.

Iz Zapisnika Komisije je vidljivo da je dana 27. 03. 2017. godine u 10,15 sati, Komisija za provođenje postupka nabavke izvršila javno otvaranje blagovremeno prispjelih ponuda, po redoslijedu prijema ponuda kako slijedi:

R. br.	Naziv i sjedište ponuđača	Broj prijemnog protokola	Datum i vrijeme prijema ponude
1.	Grafotex d. o. o. Braće Potkonjaka bb, Banja Luka	0105-2075/17	24. 03. 2017. u 10,00
2.	Kemigrafika-Trade d. o. o. Radnička 19c, Sarajevo	0105-2114/17	27. 03. 2017. u 09,45

Na javnom otvaranju ponuda bio je prisutan: Salih Češko, predstavnik ponuđača Kemigrafika-Trade d. o. o. Radnička 19c, Sarajevo, na osnovu ovlaštenja koja se nalaze u dokumentaciji.

Zapisnik sa javnog otvaranja ponuda je isti dan, lično, dostavljen predstavniku ponuđača Kemigrafika-Trade d. o. o. Sarajevo, a ponuđaču Grafotex d. o. o. Braće Potkonjaka bb, Banja Luka je upućen putem pošte.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije je vidljivo da Komisija za javnu nabavku nije imala nejasnoća u ponudi ponuđača.

Iz Zapisnika Komisije je vidljivo da se Komisija sastala odmah poslije javnog otvaranja ponuda dana 27. 03. 2017. godine i pristupila pregledu i ocjeni ponuda, odnosno provjeri da li su ponuđači ispunili uslove iz člana 45. do 50. Zakona o javnim nabavkama, koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za vršenje predmetnih usluga.

Iz Zapisnika Komisije je vidljivo da je Komisija utvrdila da nema ponuđača koji se isključuju zbog neispunjavanja uslova za kvalifikaciju, odnosno da se ponuda ni jednog od ponuđača ne odbija na osnovu rezultata pregleda i ocjene ponuda.

Iz zapisnika Komisije za javnu nabavku je vidljivo da je Komisija provjerila računsku ispravnost dostavljenih ponuda. Komisija za javnu nabavku je utvrdila da u ponudi ponuđača **Kemigrafika-Trade d. o. o. Radnička 19c, Sarajevo nije bilo računskih grešaka.**

Komisija je utvrdila da je u Obrascu za cijenu ponude-PRILOG II, u ukupnoj cijeni stavke broj: 5., ponuđač Grafotex d. o. o. Braće Potkonjaka bb, Banja Luka, napravio slijedeću računsku grešku:

Stavka br.	Naziv i opis robe/usluge	Jedinica mjere	Količina	Jedinična cijena stavke KM bez PDV-a	Ukupna cijena stavke KM bez PDV-a (6)=(4)x(5)
(1)	(2)	(3)	(4)	(5)	(6)
5.	Obrazac EM3 (Uvjerenje o rezultatima postignutim na eksternoj maturi) po uzorku	kom.	3.000	0,40	1.404,00

Komisija za javnu nabavku je utvrdila da u ponudi ponuđača Grafotex d. o. o. Braće Potkonjaka bb, Banja Luka, nije bilo računске greške u Ukupnoj cijeni ponude, izraženoj u KM bez PDV-a.

Komisija je ispravila računsku grešku u ponudi ponuđača Grafotex d. o. o. Braće Potkonjaka bb, Banja Luka, i to u Obrascu za cijenu ponude-PRILOG II, ukupna cijena stavke broj: 5., na slijedeći način:

Stavka br.	Naziv i opis robe/usluge	Jedinica mjere	Količina	Jedinična cijena stavke KM bez PDV-a	Ukupna cijena stavke KM bez PDV-a (6)=(4)x(5)
(1)	(2)	(3)	(4)	(5)	(6)
5.	Obrazac EM3 (Uvjerenje o rezultatima postignutim na eksternoj maturi) po uzorku	kom.	3.000	0,40	1.200,00

Komisija za javne nabavke je dana 28. 03. 2017. godine, ponuđaču Grafotex d. o. o. Braće Potkonjaka bb, Banja Luka, uputila zahtjev broj: 0101-1660-6/17 za prihvatanje ispravke računске greške, u kojem je označeno koji dio ponude je ispravljen.

Komisija za javne nabavke je u zahtjevu navela da u ponudi ponuđača Grafotex d. o. o. Braće Potkonjaka bb, Banja Luka, nije bilo računске greške u Ukupnoj cijeni ponude, izraženoj u KM bez PDV-a, odnosno da ispravka ukupne cijene stavke broj: 5. u Obrascu za cijenu ponude-PRILOG II, ne mijenja Ukupnu cijenu ponude u kojoj nije bilo računске greške.

Ponuđač Grafotex d. o. o. Braće Potkonjaka bb, Banja Luka, je aktom broj: 6.5 b od 28. 03. 2017. godine, dostavio odgovor Komisiji, kojim je dao saglasnost na ispravku računске greške.

Iz Zapisnika Komisije za javne nabavke je vidljivo da su oba ponuđača i Grafotex d. o. o. Braće Potkonjaka bb, Banja Luka i Kemigrafika-Trade d. o. o. Sarajevo dostavili Potvrde Vanjskotrgovinske komore Bosne i Hercegovine o ispunjavanju uslova za primjenu preferencijalnog tretmana domaćeg, odnosno da usluge „Kreiranje, štampanje i nabavka obrazaca za uvjerenja i svjedodžbe sa barcode i hologramskom sigurnosnom zaštitom”, koje obavljaju ponuđači zadovoljavaju uvjete za izdavanje certifikata o bh porijeklu. U skladu sa navedenim, korišten je preferencijalni tretman domaćeg, i to samo u cilju poređenja ponuda.

Iz Zapisnika Komisije za javne nabavke je vidljivo da je Komisija, prema kriterijumu najniža cijena, sačinila rangiranje prihvatljivih ponuda na slijedeći način:

Red. br. na rang listi	Naziv i sjedište ponuđača	Ponuđeni popust	Ukupna cijena ponude	Ukupna cijena ponude nakon primjene preferencijalnog tretmana domaćeg (-10 %)
1.	Grafotex d.o.o. Braće Potkonjaka bb, Banja Luka	15 % =832,50 KM	5.550,00 KM bez PDV-a -15%=832,50 KM 4.717,50 KM bez PDV-a (sa uračunatim popustom) 801,98 KM=PDV 5.519,48 KM sa PDV-om	4.995,00 KM bez PDV-a 4.245,75 KM bez PDV-a (sa uračunatim popustom- 15%) 721,78 KM=PDV 4.967,53 KM sa PDV-om
2.	Kemigrafika-Trade d.o.o. Radnička 19c, Sarajevo	0,00 KM	8.750,00 KM bez PDV-a 10.237,50 KM sa PDV-om	7.875,00 KM bez PDV-a 9.213,75 KM sa PDV-om

Iz zapisnika Komisije je vidljivo da je Komisija konstatovala da su u predmetnom postupku javne nabavke primljene dvije (2) prihvatljive ponude, te da je cijena ponude ponuđača Grafotex d. o. o. Braće Potkonjaka bb, Banja Luka za više od 20% niža od cijene drugorangirane prihvatljive ponude.

S tim u vezi, u skladu sa članom 66. Zakona o javnim nabavkama Bosne i Hercegovine („Službeni glasnik BiH“, broj 39/14) i članom 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15), Komisija za javnu nabavku, se obratila ponuđaču Grafotex d. o. o. Braće Potkonjaka bb, Banja Luka sa zahtjevom broj: 0101-1660-7/17 od 29. 03. 2017. godine za davanje objašnjenja cijene ponude broj: 5/17 od 20. 03. 2017. godine. U zahtjevu je zatraženo od ponuđača da u smislu člana 66. stav (2) Zakona o javnim nabavkama, Ugovornom organu pismeno dostavi detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene.

Komisija za javne nabavke je konstatovala da je ponuđač Grafotex d. o. o. Braće Potkonjaka bb, Banja Luka, aktom broj: 6.5 c od 28. 03. 2017. godine, dostavio pismeno obrazloženje cijene ponude za nabavku usluge „Kreiranje, štampanje i nabavka obrazaca za uvjerenja i svjedodžbe sa barcode i hologramskom sigurnosnom zaštitom“. U dostavljenom obrazloženju cijene ponude, ponuđač je obrazložio cijenu ponude, odnosno dao detaljnu informaciju o relevantnim sastavnim elementima ponude, uključujući elemente cijene, odnosno razloge ponuđene cijene. Obrazloženje cijene ponude je sastavni dio ovog Zapisnika.

Nakon analize dostavljenog obrazloženja ponuđene cijene, Komisija za javne nabavke je ocijenila da je ponuđač Grafotex d. o. o. Braće Potkonjaka bb, Banja Luka, u skladu sa

zahtjevima iz Tenderske dokumentacije, dostavio osnovano zadovoljavajuće obrazloženje ponuđene cijene na osnovu kojeg je Komisija za nabavke ocijenila da će ponuđač biti u mogućnosti izvršiti uslugu po ponuđenoj cijeni.

Komisija za provođenje postupka nabavke je dala preporuku rektoru Univerziteta u Sarajevu da za nabavku usluge „Kreiranje, štampanje i nabavka obrazaca za uvjerenja i svjedodžbe sa barcode i hologramskom sigurnosnom zaštitom“, donese odluku o izboru ponuđaču Grafotex d. o. o. Braće Potkonjaka bb, 78000 Banja Luka, čija ponuda je, u skladu sa kriterijom najniža cijena tehnički zadovoljavajuće ponude, ocijenjena kao najpovoljnija sa ukupnom cijenom ponude od 4.717,50 KM bez PDV-a (sa uračunatim popustom) (slovima: četiri hiljadestotinasedamnaest KM i 50/100), što sa uračunatim PDV-om iznosi 5.519,48 KM sa PDV-om (slovima: pet hiljadestotinadevetnaest KM i 48/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrjeli



Dostaviti:

1. Grafotex d. o. o. Braće Potkonjaka bb, Banja Luka
2. Kemigrafika-Trade d. o. o. Radnička 19c, Sarajevo
3. Prorektor za finansije
4. Generalni sekretar
5. Služba za računovodstvo i finansije UNSA
- ⑥ u evidenciju javnih nabavki
7. web stranica UNSA
8. a/a

Prilog: Zapisnik o pregledu i ocjeni ponuda

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina

Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>